

醫
學
三
字
經

醫學三字經卷二

閩吳航陳念祖修園著

男

元豹道彪古慈
元犀道照靈石

全校

脹滿盤脹第十二

水腫
叅看

脹為病

辨寔虛

脹者脹之於內也。虛脹誤
攻則壞寔脹。誤補則增。

三字經

卷二

氣驟滯

七氣疏

七氣湯能

疏通滯氣

滿拒按

七物法

腹滿拒按。宜金匱厚朴七物湯。即桂枝湯小承氣湯合用。以兩解表裏之實邪也。

脹閉痛

三物鋤

腹滿而痛。若大便實者。宜金匱厚朴三物湯行氣。中兼蕩寔法。以鋤其病根。以上言寔。

脹之
治法

若虛脹

子細診視
勿輕下藥

中央健

喻嘉言云。執中央以
遷四旁。千古格言。

參竺典

且躊躇

四旁如

大地輿

主木無梓則為筏。佛經以風輪主持大地。余于此悟到治脹之源頭。

單腹脹

實難除

四肢不腫而腹大如鼓。

山風卦

指南車

周易卦象山風蠱。

易中旨

費居諸

易曰。蠱剛上而柔下。巽而止。蠱法。卦變卦體。剛上柔下。上情高亢而不下接。下情退縮而不上交。兩情不相通也。卦德下巽上止。在下。遂。巡。畏。縮。而不敢為之心。在上。因循止息。而元必為之志。庶幾曰。以。墮也。此言致蠱之由。醫者參透此理。亦知蠱病之由。○易又曰。蠱元亨。而天下治也。利涉大川。往有事也。先甲三日。後甲三日。終則有始。天行也。法當蠱壞之日。有人以治之。以至於元亨。而天下之治實始於此也。曰利涉大川者。言治蠱之人。宜涉險阻以濟之。其止也。當矯之以奮發。其巽也。當矯之以剛果。是往有事也。治之之道。必

先甲三日以更始。後甲三日以圖終。則撥亂反治。亂之終。即治之始。終則有始。人事之挽回。即天運之循環。天行也。此言治蠱之事。醫者叅透此理。亦可以治蠱病矣。要知人身中胃屬艮卦。不欲其一。向。苟止。肝屬巽卦。不終其一。向。卑。巽。利。涉。大川。元亨。前大有經濟。自新。丁寧。涉川。時大費精神。能具此回天手段。而後無愧為上醫。

暑症第十三

傷暑病

動靜商

夏月傷暑分動
靜者說本東垣。

動而得

熱為殃

得於長途赤日身熱如焚
面垢體倦口渴脉洪而弱

六一散

白虎湯

六一散治一切暑症。白虎湯加人參者以大
汗不止暑傷元氣也。加蒼朮者治身熱足冷
以暑必
挾濕也。

靜而得

處於高厦涼室畏熱
貪涼受陰暑之氣

惡寒象

惡寒與傷寒同而
發熱較傷寒倍盛

心煩辨

雖同傷寒而心煩以別也
且傷寒脉沉傷暑脉虛

起貪涼

熱逾常

切莫忘

香薷飲

有專長

香薷發汗利水。為暑症之專藥也。有謂夏
月不可用香薷。則香薷將用。于何時也。

大順散

從症方

此治暑天畏熱貪涼成病。兼
治暑也。此舍時從症之方。

生脉散

久服康

此夏月常服之
劑。非治病方也。

東垣法

暑傷元氣藥宜從補。東垣清暑益氣湯頗起。

防氣傷

雜說起

遵弗彰

已上皆諸家之臆說。而先聖之道反為之晦。若行道人不不可不熟記之。以資顧問。

若精蘊

祖仲師

仲景傷寒論。金匱要畧。癰濕。渴。篇。字。字。皆。精。義。其。蘊。

太陽病

旨在此

仲師謂太陽中暈。太陽二字。大眼目也。因人俱認為熱邪。故提出太陽二字。以暈醒之。寒暑皆為外邪。中於陽而陽氣盛。則寒亦為熱。中於陽而陽氣虛。則暑亦為寒。若中於陰。無分寒暑。皆為陰症。如酷暑炎熱。並無寒邪。反多陰症。總之邪之中人。隨人身之六氣陰陽虛實。而旋轉變化。非必傷寒為陰。中暑為陽也。

經脈辨

標本歧

師云。太陽中脘發熱者病。太陽而得標陽之氣也。惡寒者病。太陽而得本寒之氣也。身重而疼痛者病。太陽通體之經也。脉弦細芤逢者病。太陽通體之脉也。小便已醜醜然毛聳手足逆冷者病。太陽本寒之氣不得。陽熱之化也。小有勞身即熱口開前板齒燥者病。太陽標陽之化不得。陰液之滋也。此太陽中脘標本經脉皆病。治當助其標本。益其經脉。若妄施汗下溫鍼則誤矣。

臨症辨

法外思

愚按借用麻杏石甘湯治中暑頭痛汗出而喘。口渴渴之外症。黃連阿膠鷄子黃湯治心煩不得臥之內症。至柴胡梔子承氣等湯俱可取用。師云渴者與猪苓湯。又云痰熱在裡用麻連軹豆湯。育陰利濕俱從小便而出。此法外之法。神而明之存乎其人焉。

方兩出

大神竒

暑之中人。隨人之陰陽虛實為旋轉變化。如陽臟多火暑。即寓於火之中。為汗出而煩渴。師有白虎加人參之法。如陰臟多濕暑。即伏於濕之內。為身熱疼重。脉微弱。師以夏月傷

冷水。水行皮膚所致。指暑病以濕為病。治以一物。反蒂湯。冷水去而濕無所依。而亦解也。

泄瀉第十四

濕氣勝

五瀉成

書云。濕成五泄。

胃苓散

厥功宏

胃苓散。煖脾平胃利水。為泄瀉之要方。

濕而熱

連苓程

胃苓散。加黃苓黃連。
熱甚去桂枝。加乾葛。

黃附行

胃苓散。加吳茱萸附
子之類。腹痛加木香。

麴查迎

食積。加山查神
麴。酒積。加葛根。

虛兼濕

參附令

胃苓散加人

參附子之類。

脾腎瀉

近天明

五鼓以後瀉者。脾虛也。瀉有定時者。土。主。信。脾。虛。也。故。名。脾。腎。瀉。難。治。

四神服

勿紛更

四神丸。加白朮。人參。乾薑。附子。茯苓。罌粟殼之類。為丸。久服方效。

恒法外

照此法治而不愈者宜求之內經。

腸臟說

腸熱臟寒腸寒臟熱內經精義張石頑頗得其解。

瀉心類

諸瀉心湯張石頑俱借來治瀉與內經之旨頗合詳載醫學從衆錄

內經精

得其情

特丁寧

眩暈第十五

眩暈症

內經云。諸風掉眩。皆屬於肝。

肝風木

厥陰為風木之藏。厥陰風木為少陽相火所居。

風火動

皆屬肝

相火干

兩動搏

風與火皆屬陽而主動。
兩動相搏則為旋轉。

頭旋轉

眼紛繁

此二句寫眩
暈之象也。

虛痰火

各分觀

仲景主痰飲。升溪宗河間之說。謂無痰不眩。無火不暈。內經云。上虛則眩。又云。腎虛則頭重。高搖髓海不足。則腦轉耳鳴。諸說不同。如此。

究其指

總一狀

究其殊途同歸之旨。木動則生風，風生而火發，故河間以風火立論也。風生必扶木勢而尅土，土病則聚液而成痰，故仲景以痰飲立論。丹溪以痰火立論也。究之腎為肝母，腎主藏精，精虛則腦空，腦空則旋轉而耳鳴，故內經以精虛及髓海不足立論也。言虛者言其病根，言寔者言其病象，其寔一以貫之也。

痰火亢

大黃安

寸脉滑。按之益堅者。為上實。丹溪用大黃一味。酒炒三遍。為末。茶調下一二錢。

上虛甚

鹿茸餐

寸脉大。按之即散者。為上虛。宜鹿茸酒。鹿茸生於頭。取其以類相從。且入督脉而通於腦。每用半兩。酒煎去滓。入麝香少許服。或用補中益氣湯。及芪朮膏之類。○此症如鈎藤天麻菊花之類。俱可為使。

欲下取

求其端

端頭也。謂尋到源頭也。欲榮其上。必灌其根。古人有上病下取法。

左歸飲

正元丹

左歸飲加肉蓯蓉川芎。細辛甚效。正元丹亦妙。

嘔噦吐第十六附

嘔吐噦

皆屬胃

嘔字從濕。濕者水也。口中出水而無食也。吐字從土。土者食也。口中吐食而無水也。嘔吐

者。水與食並出也。噦者。口中有穢味也。又謂之乾嘔。口中有穢味。未有不乾嘔也。呃逆者。氣衝有聲。聲短而頻也。其病皆屬於胃。

二陳加

時醫貴

二陳湯倍生薑。安胃降逆藥也。寒加丁香砂仁。熱加黃連鮮竹茹石斛之類。

玉函經

難彷彿

寒熱攻補。一定不移。

小柴胡

少陽謂

寒熱往來而嘔者屬少陽也。

吳茱萸

平酸味

吳茱萸湯治陽明食穀欲嘔者又治少陰症吐利手足逆冷煩躁欲死者又治乾嘔吐涎沫者。○此症嘔吐多有酸味。

食已吐

胃熱沸

食已即吐。其人胃素有熱。食復入。兩熱相衝。不得停留。

黃草湯

下其氣

大黃甘草湯治食已即吐。金匱云。欲吐者不可下之。又云。食已即吐者。大黃甘草湯下之。何也。曰。病在上而欲吐。宜因而越之。若逆之使下。則必橫亂益甚。若既吐矣。吐而不已。是有升無降。當逆折之。

食不入

火堪畏

王太僕云。食不
得入。是有火也。

黃連湯

為經緯

喻嘉言用進退黃連湯。柯韻伯用乾薑黃連
黃芩人參湯。推之瀉心湯亦可借用。以此數
湯為經緯。

若呃逆

代赭彙

代赭旋覆湯治噫氣。即治呃逆。若久病呃逆
為胃氣將絕。用人參一兩。乾薑附子各三錢。

丁香柿蒂各一錢
可救十中之。

癲狂癩第十七

重陽狂

內經云。重陽者
狂。重陰者癩。

靜陰象

重陰癩

動陽宣

癲者。笑哭無時。語言無序。其人常
靜。狂者。言語罵不避親疎。其人常動。

狂多寔

痰宜蠲

蠲除頑痰。滾痰丸加烏梅硃砂治之。生鐵落飲當歸承氣湯亦妙。

癩虛發

石補天

磁珠丸。是煉石補天手法。駱氏內經拾遺。用溫膽湯。

忽搐搦

癩病然

手足抽掣猝倒無知。忽作忽止。病有間斷。故名曰癩。

五畜狀

吐痰涎

肺如犬吠肝如羊嘶心如馬鳴脾如牛吼腎如猪叫每發必口角流涎

有生病

歷歲年

由母腹中受驚積久失調一觸而發病起於有生之初非年來之新病也內經拾遺用溫膽湯柯韻伯用磁硃丸

火氣亢

蘆薈平

火氣亢。必以大苦丸寒之。
劑以降之。宜當歸。蘆薈丸。

痰積錮

丹礬穿

丹礬丸能穿入心胞絡。導其痰涎。從
大便而出。然不如磁硃丸之妥當。

三症本

厥陰愆

已上治法。時醫習用而不效者。未。知其本。在
於厥陰也。厥陰屬風木。與少陽相火同居。厥
陰之氣逆。則諸氣皆逆。氣逆則火發。火發則
風生。風生則扶木勢而害土。土病則聚液而

成痰。痰成必歸遊
人心。為已上諸症

體用變

其本陰。

其體熱。

伏所主

伏其所主。

先其所因。

收散互

標本遷

所因先

逆從連

或收或散。或逆或從。隨所利而行之。

和中氣

妙轉旋

調其中氣使之和平。自伏所主至此。其小註俱內經本文。轉旋言心手靈活也。其要旨。在調其中氣二句中。中氣者。土氣也。治肝不應。當取陽明。制其侮也。

悟到此

治立痊

症雖可治。而任之不專。亦無如之何已。

五淋瘖閉赤白濁遺精第十八

五淋病

皆熱結

淋者小便痛澁淋瀝欲去不去欲
止不止是也皆熱氣結於膀胱

膏石勞

氣與血

石淋下如沙石膏淋下如膏脂勞淋從勞力
而得氣淋氣滯不通臍下悶痛血淋瘀血停
菴莖中
割痛

五淋湯

是秘訣

石淋。以此湯煎送髮灰滑石石首魚頭內石
研末膏淋。合草薺分清飲氣淋。加荊芥香附
生麥芽。不愈再加升麻。或用吐法勞淋。合補
中益氣湯。血淋。加牛膝鬱金桃仁。入麝香少
許。溫服。

敗精淋

加味啜

過服金石藥。與老人陽已痿。思色以降其精。
以致內敗而為淋。宜前湯加草薺石菖蒲兔

然子以
導之。

外冷淋

腎氣咽

五淋之外。又有冷淋。其症外候惡冷喜
飲熱湯。宜加味腎氣丸。以鹽湯咽下。

點滴無

名癰閉

小便點滴不通。與
五淋之短縮不同。

氣道調

江河決

前湯加化氣之藥。或吞滋腎丸。多效。孟子云。若決江河沛然莫之能禦也。引來喻小便之

多也。
上竅通

下竅泄

如滴水之器。閉其上而倒懸之。點滴不能下也。去其上閉。而水自通。宜服補中益氣湯。再服以手探吐。

外竅開

水源鑿

又法。啟其外竅。即以開其內竅。麻黃力猛。能通陽氣於至陰之地。下肺氣。主皮毛。配杏仁以降氣。下達州都。導水必自高原之義也。以前飲加此二味。甚效。夏月不飲。用麻黃。以蘇葉防風杏仁等分。水煎服。溫覆微汗。水即利矣。虛人。以人參麻黃各一兩。水煎服。神效。

分利多

醫便錯

愈利愈

閉矣。

濁又殊

竅道別

淋出濁。數。
濁出精。數。

前飲投

水愈利。而
腎愈虛矣。

腎套談

治濁只用腎家套藥不效。蓋以脾主土。土病濕熱下注。則小水渾濁。濕勝於熱則為白濁。熱勝於濕則為赤濁。濕熱去則濁者清矣。

精愈酒

理脾恪

分清飲

佐黃蘗

草薢分清飲。加蒼朮白朮再
加黃蘗。苦以燥濕。寒以除熱。

心腎方

隨補綴

六八味湯丸。加龍牡。腎藥也。四君子湯
加遠志。心藥也。心腎之藥。與前飲間服。

若遺精

另有說

與濁病

又殊。

有夢遺

龍膽折

有夢而遺。相火旺也。余每以龍膽瀉肝湯送下。五倍子九二錢。多效。張石頑云。肝熱則火淫於內。魂不內守。故多淫夢失精。又云。多是陰虛陽擾。其作必在黎明。陽氣發動之時。可以悟矣。妙香散甚佳。

無夢遺

十全設

無夢而遺。是氣虛不能攝精。宜十全大補湯加龍骨牡蠣蓮鬚五味子黃蘗為丸常服。

坎離交

亦不切

時醫遇此症。便云心腎不交。用茯神遠志蓮子棗仁之類。未中病情。皆不切之套方也。

疝氣第十九

疝任病

歸厥陰

經云。任脉為病。外結七疝。女子帶下。痲聚丹溪專治厥陰者。以肝主筋。又主痛也。

寒筋水

氣血尋

寒疝。水疝。筋疝。氣疝。血疝。

狐出入

狐疝。臥則入腹。立則出腹。癩疝。犬如升斗。頑麻不痛。

端治氣

景岳云。疝而曰氣者。病在氣也。寒有寒氣。熱有熱氣。濕有濕氣。逆有逆氣。俱當兼用氣藥也。

癩頑麻

景岳箴

五苓散

加減斟

別錄以此方加川練子木
通橋核木香通治諸疔。

茴香料

著醫林

三層茴香丸治久疔。雖三十
年之久。大如栲栳。皆可消散。
痛不已

須洗淋

陰腫核中痛。千金翼用雄黃一兩。礬石二
兩。甘草一尺。水一斗。煮二升。洗之。如神。

痰飲第二十

痰飲源

水氣作

水氣上逆。得陽煎熬。則稠而成痰。得陰滯聚。則稀而成飲。然水歸于腎。而受制于脾。治者必以脾。腎為主。

燥濕分

治痰畧

方書支離不可聽。只以燥濕為辨。燥痰宜潤。肺濕痰宜溫脾。握要之法也。宜參之。虛癆咳。

嗽等篇。或老痰。宜王節齋化痰九。定痰怪症。宜滾痰九之類。

四飲名

宜斟酌

金匱云。其人素盛。今瘦。水走腸間。漑漑有聲。謂之痰飲。注。即今之久咳痰喘是也。飲後水流在脇下。欬唾引痛。謂之懸飲。注。即今之傳飲。脇痛症也。飲水流行。歸於四肢。當汗出而不汗出。身體疼重。謂之溢飲。注。即今之風水腫症也。欬逆倚息。氣短不得臥。其形如腫。謂之支飲。注。即今之停飲。喘滿不得臥症也。又支飲偏而不中正也。

三字經

卷二

三

參五臟

細量度

四飲猶未盡飲邪之為病也。凡五臟有偏虛之處而飲留之。言臟不及腑者。腑屬陽。在腑則行矣。金匱曰。水在心。心下堅築。短氣惡水。不欲飲。水在肺。吐涎沫。欲飲水。水在脾。少氣身重。水在肝。脇下支滿。水在腎。心下悸。噦而痛。

補和攻

視強弱

宜補。宜攻。宜和。視乎病情。亦視乎人之本體強弱而施治也。

十六方

各鑿鑿

苓桂朮甘湯。腎氣丸。甘遂半夏湯。十棗湯。大青龍湯。小青龍湯。朮防已湯。朮防已加茯苓芒硝湯。澤瀉湯。厚朴大黃湯。葶藶大棗瀉肺湯。小半夏湯。已椒苈蘆丸。小半夏加茯苓湯。五苓散。附外臺茯苓飲。

溫藥和

博返約

金匱云。病痰者當以溫藥和之。忽揭出溫藥和之四字。則金針之度也。蓋痰水病也。水。歸

於腎而受制於脾。欲水由地中行而歸其壑者。非用溫藥以化氣不可也。欲水不泛溢而築以隄防者。非用溫藥以補脾不可也。如苓桂木甘湯腎氣丸。小半夏湯。五苓散之類。皆溫藥也。即如十棗湯之十枚大棗。甘遂半夏湯之半升白蜜。木防已湯之參桂。葶藶湯之大棗。亦寓溫和之意。至於攻下之法。不過一時之權宜。而始終不可離溫和之旨也。

陰霾除

陽光灼

飲為陰邪。必使離照當空。而羣陰方能退散。余每用參苓朮附。加生薑汁之類。取效。

滋潤流

時醫錯

方中若雜以地黃麥冬五味附和其陰。則陰
霧冲逆。肆空飲邪。消天莫救矣。即腎氣丸亦
宜慎
用。

真武湯

水歸壑

方中以茯苓之淡以導之。白朮之燥以制之。
生薑之辛以行之。白芍之苦以泄之。得附子
本經之藥領之。以歸其壑。

白散方

三因白散之妙。喻嘉言解之甚詳。見於醫門法律中風門。

消渴第二十一

消渴症

口渴不止。為上消。治以人參白虎湯。食入即飢。為中消。治以調胃承氣湯。飲一溲一。小便如膏。為下消。治以腎氣丸。其實皆津液乾之病也。稍養葵變其法。

津液乾

窺秘鑰

七味飲

一服安

趙養葵云。治消症無分上中下。但見大渴大燥。須六味丸料一斤。肉桂一兩。五味子一兩。水煎六七碗。恣意冷飲之。睡熟而渴如失矣。白虎承氣皆非所治也。

金匱法

別三般

能食而渴者。重在二陽論治。以手太陽主津液。足太陽主血也。飲一溲一者。重在少陰論治。以腎氣虛不能攝水。直下趨腎氣虛不能蒸動。別水不上濟也。不能食而氣衝者。

重在厥陰論治。以一身中唯肝火最橫熾。灼無忌耗傷津液而為消渴也。金匱論消渴。開口即揭此旨。以補內經之未及。不必疑其錯簡也。

二陽病

治多端

勞傷榮衛漸鬱而為熱者。炙甘草湯可用。喻嘉言清燥湯。即此湯變甘溫為甘寒之用也。熱氣蒸胸者。人參白虎湯可用。金匱麥門冬湯。即此湯變甘寒而為甘平之用也。消穀大堅者。麻仁丸加當歸甘草人參可用。妙在滋液之中。攻其堅也。蓋堅則不能消水。如以水

按石水去而石自若也。消症屬火。內鬱之火。本足以消水。所飲之水。本足以濟渴。只緣胃中堅燥。全不受水之浸潤。轉從火熱之勢。急走膀胱。故小便數。愈數而愈堅。愈堅而愈消矣。此論本喻嘉言最精。

少陰病

腎氣寒

飲水多。小便少。名上消。食穀多。而大便堅。名食消。亦名中消。上中二消屬熱。唯下消症。飲一溲一中。無火化。可知腎氣之寒也。故用腎氣丸。

厥陰病

烏梅丸

方中甘辛苦酸並用。甘以緩之。所以達肝之志也。辛以散之。所以悅肝之神也。苦以降之。則逆上之火順而下行矣。酸以收之。以還其曲直作酸之本性。則率性而行。所無事矣。故此丸為厥陰症之總劑。○治此症。除此丸外。皆不用苦藥。恐苦從火化也。

變通妙

燥熱餐

有脾不能為胃行其津液。肺不能通調水道。而為消渴者。人但知以清潤治之。而不知脾

喜燥而肺惡寒。試觀泄瀉者必渴。此因水精不能上輸而惟下泄故爾。以燥脾之藥治之。水液上升。即不渴矣。余每用理中九湯。倍白朮。加桔槩根。神效。

傷寒瘟疫第三十二

傷寒病

極變遷

太陽主一身之表。司寒水之經。凡病自外來者。皆謂傷寒。非寒熱之寒也。變遷者。或三陽或三陰。或寒化。或熱化。及轉屬。合併之異。

六經法

有真傳

太陽寒水。其經主表。編中備發汗。諸法。陽明燥金。其經主裏。編中備攻裏。諸法。少陽相火。其經居表裏之界。所謂陽樞也。編中備和解。諸法。太陰濕土。純陰而主寒。編中備溫補。諸法。少陰君火。標本寒熱不同。所謂陰樞也。編中寒熱二法並立。厥陰風木。木中有火而主熱。編中備清火。諸法。雖太陽亦有裏症。陽明亦有表症。太陰亦有熱症。厥陰亦有寒症。而提綱却不在此也。

頭項痛

太陽編

三陽俱主表。而太陽為表中之表也。論以頭痛項強發熱惡寒為提綱。有汗宜桂枝湯。無汗宜麻黃湯。

胃家實

陽明編

陽明為表中之裏。主裏實症。宜三承氣湯。論以胃家實為提綱。又鼻乾目痛不眠為經病。若惡寒頭痛為未離太陽。審其有汗無汗。用桂枝麻黃法。若無頭痛惡寒。但見壯熱自汗。只

渴為已。離太陽宜白虎湯。仲景提綱不以此者。九解表諸法求之。太陽攻裏諸法求之。陽明立法求之。

嚴也。

眩苦嘔

少陽編

少陽居太陽陽明之界。謂之陽樞。寒熱相雜。若寒熱往來於外。為胸脇滿煩。宜大小柴胡湯。若寒熱互搏於中。嘔吐腹痛。宜黃連湯。痞滿嘔逆。宜半夏瀉心湯。拒格食不入。宜乾薑黃連人參湯。若邪全入於膽府。下攻於脾。為自利。宜黃芩湯。上逆於胃。利又兼嘔。宜黃芩

加半夏生薑湯論以口
苦咽乾目眩為提綱。

吐利痛

太陰編

太陰濕土。為純陰之臟。從寒化者多。從熱化者少。此經主寒症而言。宜理中湯。四逆湯為主。第原本為王叔和所亂耳。論以腹中滿吐食自利不渴手足自溫腹時痛為提綱。

但欲寐

少陰編

少陰居太陰厥陰之界。謂之陰樞。有寒有熱。論以脈微細但欲寐為提綱。寒用麻黃附子

細辛湯。麻黃附子甘草湯。及白通湯。通脈四逆湯。熱用猪苓湯。黃連雞子黃湯。及大承氣湯諸法。

吐衄渴

厥陰編

厥陰陰之盡也。陰盡陽生。且屬風木。木中有火。主熱症。而言論以消渴。氣上撞心。心中疼熱。飢不欲食。食則吐衄。下之利不止。為提綱。烏梅丸主之。自利下重飲水者。白頭翁湯主之。○凡一切宜發表法。備之。太陽。一切宜攻裏法。備之。陽明。一切宜和解法。備之。少陽。一

切宜溫補法備之。太陰一切宜寒涼法備之。
厥陰一切寒熱兼用法備之。少陰此仲景傷
寒論之六經與內經熱
病論之六經不同也。

長沙論

嘆高堅

仰之彌高。
鑽之彌堅。

存津液

是真詮

存津液是全書宗旨善讀書者讀於無字處。
如桂枝湯甘溫以解肌養液也。即麻黃湯直入

皮毛不加薑之辛熱。棗之甘壅。從外治外。不傷營氣。亦養液也。承氣湯急下之。不使邪火灼陰。養液也。即麻黃附子細辛湯。用附子以固少陰之根。令津液內守。不隨汗洩。亦養液也。麻黃附子甘草湯。以甘草易細辛。緩麻黃於中焦。取水穀之津而為汗。毫不傷陰。更養液也。推之理中湯。五苓散。必啜粥飲。小柴胡湯。吳茱萸湯。皆用人參。何一而非養液之法乎。

汗吐下

溫清懸

在表宜汗。在胸膈宜吐。在裏宜下。寒者溫之。熱者清之。

補貴當

方而圓

虛則補之。合上為六法。曰方而圓者言一。部傷寒論全是活法。

規矩廢

甚於今

自王叔和而後。注家多誤。然亦是非參半。今則不知傷寒論為何物。規矩盡廢矣。

二陳尚

九味尋

人皆曰。三陳湯為發汗平穩之劑。而不知茯苓之滲。半夏之遊。皆能留邪。生熱。變成詭語。

不便等症。人皆曰。九味羌活湯。視麻桂二湯較安。而不知太陽病重。溼防侵入少陰。此方中有苓地之苦寒。服之不汗。恐苦寒陷入少陰。變成脈沉細。但欲寐之症。服之得汗。恐苦寒戕伐腎陽。陽虛不能內固。變成遂漏不止之症。時醫喜用此方。其亦知此方之流弊。害人匪淺也。

香蘇外

平胃臨

香蘇飲。力量太薄。不能驅邪盡出。餘邪之傳變多端。平胃散為燥濕消導之劑。仲景從無。

燥藥發汗之法且外邪未去更無先攻其內法

汗源酒

耗真陰

陰者陽之家也。桂枝湯之芍藥及啜粥俱是滋陰以救汗源。麻黃湯之用甘草與不啜粥亦是保陰以救汗源。景岳誤認其旨。每用歸地貽害不少。

邪傳變

病日深

治之得法無不即愈。若逆症壞症過經不愈之症皆誤治所致也。

目擊者

實痛心

人之死於病者少。死於藥者多。今行道人先學利口。以此藥殺人。即以此藥得名。是可慨也。吾知其殃在子孫。

醫醫法

腦後鍼

蕭前輩云。醫人先當醫醫。以一醫而治千萬人。不過千萬人計耳。救一醫便救千萬人。救千。萬醫便救天下。後世無量。恒河沙數。人耳。余所以於醫者。腦後痛下一鍼。

若瘟疫

治相侷

四時不正之氣及方土異氣病人穢氣感而成病。則為瘟疫。雖有從經絡入。從口鼻入之分。而見證亦以六經為據。與傷寒同。

通聖散

兩解求

仲師於太陽係獨挈出發熱不惡寒而渴為溫病。是導內經人傷於寒。則為熱病。冬傷於寒。春必病溫。先夏至日為病溫。後夏至日為病者之三說也。初時用麻杏甘石湯。在經用

白虎加人參湯。入裏用承氣湯。及太陰之茵陳蒿湯。少陰之黃連阿膠湯。猪苓湯。厥陰之白頭翁湯等。皆其要藥。究與瘟疫之病不同也。瘟疫之病。皆新感。乘戾之氣而發。初起若兼惡寒者。邪從經絡入。用人參敗毒散為匡正。托邪法。初起若兼胸滿口吐黃涎者。邪從口鼻入。用藿香正氣散為辛香解穢法。唯防風通聖散。面面周到。即初起未必內實。而方中之消黃。別有妙用。從無陷邪之害。若讀仲師書。死於句下者。聞之無不咋舌。而不知其有利無弊也。

六法備

汗為尤

汗吐下溫清補為治傷寒之六法。六法中唯取汗為要。以瘟疫得汗則生。不得汗則死。汗期以七日為準。如七日無汗。再俟七日。以汗之。又叅論中聖法以吐之。下之。溫之。清之。補之。皆所以求其汗也。詳於時方妙用中。

達原飲

昧其由

吳又可謂病在膜原。以達原飲為首方。創異說以欺人。實昧其病由也。

司命者

勿逐流

醫為人之司命。熟讀。博伸。聖書。而兼臨症之多者。自有定識。切不可隨波逐流。

婦人經產雜病第二十三

婦人病

四物良

與男子同。唯經前產後異耳。濟陰綱目。以四物湯加香附。炙草為主。凡經前產後俱以此出入加減。

月信準

經水一月一至。不愆其期。故名月信。經調則體自康。

漸早至

血海有熱也。宜加味四物湯。加續斷地榆黃芩黃連之類。

漸遲至

血海有寒也。宜加味四物湯。加乾薑肉桂之類。甚加附子。

體自康

藥宜涼

重桂薑

錯雜至

氣血傷

經來或早或遲不一者。氣血虛而經亂也。宜前湯加人參白朮黃芪之類。

歸脾法

主二陽

內經云。二陽之病發心脾。有不得急曲。為女子不月。宜歸脾湯。

兼鬱結

逍遙長

鬱氣傷肝。思慮傷脾。宜加味道遙散。

種玉者

即此詳

種子必調經。以歸脾湯治其源。以逍遙散治其流。並已上諸法皆妙。不必他求。唯婦人體肥厚者。恐子宮脂滿。另用二陳湯加川芎香附為丸。

經閉塞

禁地黃

閉塞脈寬小腹脹痛與二陽病為女子不月者不同。雖四物湯為婦科所不禁。而經閉及積瘀實症宜去地黃之濡滯。恐其護黃血不行也。加醋炒大黃二錢。桂一錢。桃仁二錢。服

孕三月

六君膏

得孕三月之內。多有嘔吐不食。名惡阻。宜六君子湯。俗疑半夏碍胎。而不知仲師慣用之。妙品也。高鼓峯云。半夏合參木。為安胎止嘔進食之上藥。

安胎法

寒熱商

四物湯去川芎為主。熱加黃芩白朮續斷。寒加艾葉阿膠杜仲白朮。大抵胎氣不安。虛寒

者。多庸醫以胎火二字惑人。誤人無算。

難產者

橫生倒產漿水太早交骨不開等症宜保生無憂散。

開交骨

交骨不開陰虛故也。宜加味芎歸湯。

血大下

保生方

歸芎鄉

補血湯

胎猶舟也。血猶水也。水滿則舟浮。血下太早則乾。酒而胎阻矣。宜當歸補血湯。加附子三錢。欲氣旺則血可速生。且欲氣旺而推送有力。加附子者取其性急如酒。所以速茂歸之用也。保生無憂散。治漿水未行。此方治漿水過多。加味歸芎湯。治交骨不開。三方。禹峙不知。

脚小指

艾火煬

張文仲。治婦人橫產。手先出。諸般符藥不效。以艾火如小麥大。灸產婦右脚小指頭尖。下

火立

產。

胎衣阻

失笑匡

胎衣不下宜以醋湯送失笑散三錢即下。

產後病

生化將

時醫相傳云。生化湯加減治產後百病。若非由於傳。熱而誤用之。則外邪反入於血室中。氣反因以受傷。危症蜂起矣。慎之慎之。

合諸說

已上相沿之套法。輕病可愈。治重病則不效。

資顧問

商治時。不與衆醫談。到此法。反為其所笑。

精而密。

俱平常。

亦勿忘。

長沙室。

金匱要畧第二十卷第二十一卷第二十二卷。義精而法密。

妊娠篇

丸散七

妊娠篇凡十方。丸散居七。湯居三。蓋以湯者蕩也。妊娠以安胎為主。攻補俱不宜。驟故緩以圖之。即此是法。

桂枝湯

列第一

此湯表症得之。為解肌和營衛。內症得之。為化氣調陰陽。今人只知為傷寒首方。此於妊娠篇列為第一方。以陽醒于百。庸醫之夢亦即是法。師云。婦人得平脉。陰脉小弱。其人渴。

不能食。無寒熱。名妊娠。桂枝湯主之。注陰搏陽別為有子。今反云陰脉弱。小是孕。只兩月。蝕下。焦之氣不能作。成勢也。過此則不然。○妊娠初得。上下本無病。因子宮有凝氣。溢上下。故但以芍藥一味。因其陰氣使不得上溢。以桂薑甘棗扶上。焦之陽。而和其胃氣。但令上焦之陽氣充。能禦相侵之陰氣。足矣。未嘗治病。正所以治病也。

附半夏

功超軼

時醫以半夏附子墜胎。不用乾薑亦疑其熱而罕用之。而不知附子補命門之火。以舉胎。

半夏和胃氣以安胎。乾薑煖土臟使胎易長。俗子不知。

內十方

皆法律

桂枝湯治妊娠。附子湯治腹痛。小腹痛如扇。茯苓桂枝丸治三月餘漏下動在臍上。為癥瘕。當歸芍藥散治懷妊腹中疝痛。乾薑人參半夏丸治妊娠嘔吐不止。當歸貝母苦參丸治妊娠小便難。當歸散治妊娠常服白朮散。妊娠養胎方。方超妙用之。如神。惟妊娠有水氣身重。小便不利惡寒起即頭眩。用芩子茯苓散不能無疑。

產後篇

有神術

共九

方。

小柴胡。

首特筆。

妊娠以桂枝湯為第一方。產後以小柴胡為第一方。即此是法。○新產婦人有三病。一者病瘕。二者病鬱。三者大便難。○產婦鬱胃。脈微弱。嘔不能食。大便反堅。但頭汗出。小柴胡湯主之。

竹葉湯

風痙疾

金匱云。產後中風發熱。面正赤。喘而頭痛。竹葉湯主之。錢院使注云。中風之下。當有病痙者三字。○按庸醫於此症。以生化湯加薑桂荊芥益母草之類。殺人無算。

陽旦湯

功與匹

即桂枝湯增桂。加附子。治人以桂枝湯加黃芩者誤也。風乘火勢。火借風威。灼筋而成痙。宜竹葉湯。若數日之久。惡寒症尚在。則為寒風。宜此湯。二湯為一寒一熱之對子。○師云

產後風續續數十日不解頭微痛惡寒時時
有熱心下悶乾嘔汗出雖久陽旦證續在耳
可與湯
旦湯

腹痛條

須詳悉

此下八句皆言腹痛不同用方各異。

羊肉湯

疝痛謚

疝痛者痛之緩也為虛症。

痛滿煩

求枳實

滿煩不得臥裏實也。宜枳實芍藥散。二味無竒妙在。以麥粥下之。

着臍痛

下瘀吉

腹中有瘀血着於臍下而痛。宜下瘀血湯。

痛而煩

裏熱窒

小腹痛。雖為停瘀而不大便。日晡煩躁。譫語非。停瘀。專症也。血因熱裏而不行。非血自結。

於下。但攻其瘀而可愈也。
金匱以大承氣湯攻熱。

攻涼施

毋固必

攻有大承氣湯。涼有竹皮大丸。白頭翁加甘草阿膠湯。金匱云。病解能食七八日更發熱者。此為胃實。大承氣湯主之。又云。婦人乳中虛煩亂嘔逆。安中益氣竹皮大丸主之。又云。產後下利虛極。白頭翁加甘草阿膠湯主之。讀此。則知丹溪產後以大補氣血為主。餘以末治之之說。為大謬也。

雜病門

還熟讀

金匱婦人雜病。以因虛積冷結氣六字為綱。至末段謂千變萬端。總出於陰陽虛實。而獨以弦緊為言者。以經阻之始。大概屬寒。氣結則為弦。寒甚則為緊。以此為主。而參之兼脈也。

二十方

效俱速

隨證詳

難悉錄

唯溫經

帶下服

十二癥九痛七害五傷三痢共三十六種因經致病統名曰帶下言病在帶脉近時赤白帶下之說也溫經陽治婦人年五十前陰下血暮發熱手掌煩熱腹痛口乾云云其功實不止也此也。

甘麥湯

臟燥服

金匱云婦人臟燥悲傷欲哭象如神靈所作數欠伸甘麥大棗湯主之。

藥到咽

效可卜

閩中諸醫。因余用此。效方奇。每繕錄於讀本之後。亦醫風之將轉也。余日望之。

道中人

須造福

小兒第二十四

小兒病

多傷寒

喻嘉言曰。方書謂小兒八歲以前。無傷寒。此胡言也。小兒不耐傷寒。初傳太陽一經。早已

身強多汗筋脉牽動人事昏沉勢已極於本經誤藥即死無由見其傳經所以謂其無傷寒也俗云驚風皆是。

稚陽體

時醫以釋陽為純陽生。死。閉。頭。開。手。便。錯。

凡發熱

邪易干

太陽觀

太陽主身之表小見腠理未密最易受邪其症頭痛項強發熱惡寒等小見不能自明唯

發熱一
捫可見。

熱未已

變多端

喻嘉言云。以其頭搖手動也。而立抽掣之名。以其卒口噤脚攣急也。而立目斜心亂搖榻之名。以其脊強背反也。而立角弓反張之名。造出種種不通名目。謂為驚風。而用攻痰鎮驚清熱之藥。投之立死矣。不知太陽之脈起於目內眥。上額交巔。入腦還出。別下頤夾脊抵腰中。是以見上諸症。當時若以桂枝湯照法服之。則無餘事矣。過此失治。則變為痙症。

無汗用桂枝加葛根湯。有汗用桂枝加栝蒌根湯。此太陽而兼陽明之治也。抑或寒熱往來多嘔。以桂枝湯合小柴胡湯。或單用小柴胡湯。此太陽而兼少陽之治也。

太陽外

仔細看

喻嘉言云。三日即愈為貴。若待經盡方解。必不能耐矣。然亦有耐得去而傳他經者。亦有即時見他經之症者。宜細認之。

遵法治

危而安

遵六經提綱之法而
求之。詳於傷寒論。

若吐瀉

求太陰

太陰病。以吐食。自利。不渴。手足自
濕。腹時痛。為提綱。以理中湯主之。

吐瀉甚

變風淫

吐瀉不止。則土虛而木邪乘之。左傳云。風
淫末疾末。四肢之末也。即抽掣攣急之象。

慢脾說

即此尋

世謂慢脾風多死。而不知。即太陰傷寒也。有初時。即傷於太陰者。有漸次傳入太陰者。有誤用神麴麥芽山查蘿菔子枳殼葶藶大黃瓜蒌膽南星等藥。陷入太陰者。既入太陰。其治同也。如吐瀉後。冷汗不止。手足厥逆。理中湯加入附子。或通脈四逆湯。白通湯佐之。此太陰而煎少陰之治也。如吐瀉。手足厥冷。煩躁欲死。不吐食。而吐涎沫。服理中湯。不應。宜吳茱萸湯佐之。此太陰而兼厥陰之治也。若三陰熱化之証。如太陰腹時痛。時止。用桂枝加芍藥湯。大便實而痛。用桂枝加大黃湯。少陰之証。而嘔渴。心煩。不得眠。宜猪苓湯。心中

煩不得卧。宜黃連阿膠湯。厥陰之消渴。氣衝吐蛇下利。宜烏梅丸。下利後重。喜飲水。用白頭翁湯等症。亦間有之。熱傷寒論者自知。而提綱不在此也。

陰陽證

二太擒

三陽獨取。太陽三陰獨取。太陰擒賊。先擒玉起手段也。太陽陽明少陽為三陽。太陰少陰厥陰為三陰。

千古秘

理蘊深

喻嘉言通禪理後。得異人所授。獨得千古之秘。胡白臣曰。習幼科者。能虛心領會。便可免乎硤咎。若駭為異說。則造孽無極矣。

即痘疹

此傳心

痘為先天之毒。伏於命門。因感外邪而發。初起時用桂枝湯等從太陽以化其氣。氣化則毒不留。自無一切鬱熱諸症。何用服連翹紫草牛旁生地犀角石膏芩連諸藥。以致寒中變症乎。及報點已齊後。冀其漿滿易於結痂而愈。當求之太陰。所理中湯等補中宮土氣。

以爲成漿脫痂之本亦不類保元湯及能耳
人乳糯米桂圓之力也若用毒藥取漿先損
中宮土氣漿何由成誤人不少此古今痘書
所未言唯張隱菴侶山堂類辨微露其機於
言外殆重其道而不敢輕洩歟疹症視痘症
稍輕亦須知此法高士宗善學真傳有桂枝
湯加金銀
花紫草法。

誰同志

度金鍼

附敷藥拔風害人說

金匱云。人得風氣以生長。此一語最精。風即氣也。人在風中而不見風。猶魚在水中而不見水。鼻息出入。頃刻離風即死。但風靜即為養人之和風。風動即為殺人之邪風。若大人之中風。小兒之驚風。卒倒搐掣。角弓反張。目上視。口流涎。皆風動之象。即氣之乖也。醫者宜化邪風為和風。即所以除邪氣而匡正氣。閩中市醫。遇小兒諸病。及驚癇危症。以草麻

子巴豆南星萊菔子全蝎大黃急性子皂角
為末加樗皮冰片麝香以香油或白蜜或薑
葱汁調敷於顛門以及胸中臍中足心為拔
風法秘其方以射利十數十死既死而仍不
歸怨之者以為外敷之法不妨姑試俟未效
而即去之似不為害而不知一敷之後元氣
為其拔散即揭去其藥而既散之氣永不能
使之復聚矣况顛門為元陽之會胸中為宗

氣之宅。臍中為性命之根。足心為腎脉之本。皆不可輕動。昔人以附子、海狗、腎補藥敷於臍中而蒸之。名醫猶且戒其勿用。况大傷人之物乎。凡以保赤為心者。宜共攻此法。而又惑於急驚、慢驚、食積之說。慣用羌活、獨活、防風、秦艽、前胡、赤芍、釣藤、鈎藤、荆芥、天麻、厚朴、神麴、山查、蒼朮、膽星、葶藶子、蘿菔子、貝母、牛黃、硃砂、天竺、黃枳殼、杏仁、石菖蒲、甘草。或合

為一方。或分為二三方者。亦五十步笑百步耳。